

Pacáiste eolais d'iarrthóirí

Teagascóir Innealtóireachta Sinsearach

An dáta deiridh a nglacfar le hlarratais:
1 Nollaig 2025



Is comhlacht leathstáit neamhthráchtála é BIM a bunaíodh go foirmiúil faoi reacht (An tAcht lascaigh Mhara, 1952). Gníomhaireacht de chuid Stát na hÉireann é BIM atá freagrach as tionscal bia mara na hÉireann a fhorbairt. Is gníomhaireacht de chuid na Roinne Talmhaíochta, Bia agus Mara agus de chuid líonra Ranna Rialtais eile, gníomhaireachtaí leathstáit, páirtithe náisiúnta agus idirnáisiúnta mara é BIM.

Tá ceithre aonad gnó san eagraíocht: [Seirbhísí Teicniúla Bia Mara](#), [Seirbhísí Corparáideacha](#), [Seirbhísí Forbartha agus Nuálaíochta](#), [Seirbhísí Eacnamaíochta agus Straitéiseacha](#), agus [tacaíonn an Phríomhoifigeach Feidhmiúcháin leo sin](#). Tá Ceannoifig Bhord lascaigh Mhara i nDún Laoghaire, Co. Bhaile Átha Cliath. D'fhonn tacú leis an earnáil bia mara, tá cuid d'fhoireann BIM lonnaithe go straitéiseach sna pobail cois cósta a mbíonn siad ag freastal orthu, lena n-áirítear oifigí i nGaillimh agus sna Cealla Beaga. Ina theannta sin, tá dhá Choláiste Náisiúnta Oiliúna BIM lonnaithe sa Chaisleán Nua, Co. Dhún na nGall agus i mBaile Chaisleáin Bhéarra, Co. Chorcaí.

Ta sé d'aidhm ag straitéis BIM feabhas a chur ar iomaíochas earnáil bia mara na hÉireann trí iomaíochas earnáil bia mara na hÉireann trí iomaíochas earnáil bia mara na hÉireann trí dhíriú ar na príomhthosaíochtaí straitéiseacha seo a leanas:

- Ceannaireacht a stiúradh agus a chothú
- Torthaí a chur ar fáil le réitigh a bhfuil tionchar acu ar athrú a dhéanamh
- Infheistíocht a dhéanamh i bhfás fadtéarmach
- An comhshaol agus an earnáil a chosaint

Ár Misean


Tacú le luach a mhéadú maidir le hearnáil inbhuanaithe bia mara na hÉireann, ar fud an tslabhra soláthair, ó ghabháil go dtí an tomhaltóir, agus sin a éascú.

Ár bhFís

Rachaimid i gcomhpháirtíocht le hearnáil bia mara na hÉireann le rún agus le práinn chun na hathruithe atá de dhíth a aithint agus a chur chun cinn le go mbeidh an todhchaí inbhuanaithe.

Ár Luachanna

- Iontaobhas
- Comhpháirtíocht
- Obair Foirne
- Cuimsiú
- Ionracas



Cuntas ar an Ról	
Teideal an phoist:	Teagascóir Innealtóireachta Sinsearach (Innealtóir Grád II)
Conradh:	Lánaimseartha; Fad Éiginnte
Áit:	Coláiste Náisiúnta Iascaigh BIM, An Caisleán Nua, Co. Dhún na nGall
Struchtúr Tuairiscithe:	Príomhoide, NFCl de chuid BIM, Baile An Caisleán Nua, Co. Dhún na nGall
Grúpa Seirbhíse:	Seirbhísí Corparáide
Cur síos ar an nGrúpa Seirbhíse cuí:	Cuireann Seirbhísí Corparáide tacaíocht, pleanáil agus riarachán ar fáil a bhaineann le hAirgeadas, TFC, Acmhainní Daonna, Soláthar, Saoráidí, Seirbhísí Infheistíochta agus líonra Ice Plant laistigh de BIM.

Achoimre ar an Ról

Is post buan lánaimseartha an post seo a bheidh lonnaithe i gColáiste Náisiúnta Iascaigh BIM (NFC) sa Chaisleán Nua.

Tá dhá choláiste oiliúna ag NFCl an BIM, ceann sa Chaisleán Nua, Co. Dhún na nGall agus ceann i mBaile Chaisleáin Bhéarra, Co. Chorcaí. Tá siad mar chuid d'Aonad Seirbhísí um Fhorbairt Scileanna BIM, agus tá ríthábhachtach chun oiliúint a chur ar phearsanra muirghabhála don tionscal bia mara. Féachann an NFC le gealltanais BIM a chomhlíonadh chun scileanna ar feadh an tsaoil a chur ar fáil d'oibrithe muirí san earnáil; mar sin beidh baint thábhachtach ag post an Teagascóra Innealtóireachta Shinsearaigh i bhforbairt Earnáil bia mara na hÉireann agus in uasoiliúint san earnáil.

Beidh ar an Teagascóir Innealtóireachta Sinsearach a leanas a chur ar fáil:

- Cúrsaí Innealtóireachta agus Sábháilteachta Mara i gColáiste Náisiúnta Iascaigh an Chaisleáin Nua de réir I.R. 289/1988 Rialacháin um Árthaí Iascaireachta (Oifigigh Deice agus Innealtóireachta a Dheimhniú) 1988
- oiliúint do phearsanra shoithigh lascaireachta atá ag iarraidh tabhairt faoi thurasóireacht mhara faoi Rialacháin um Fhoireann Loingis Cheannaíochta (Bád Paisinéirí) I.R. 649 de 2005
- bunoiiliúint éigeantach agus Breisoiliúint Sábháilteachta de réir na Rialacháin um Bunoiiliúint Sábháilteachta (Árthaí Iascaireachta), I.R. Uimh. 587 de 2001 irl.
- oiliúint eile de réir mar a thagann na riachtanais ghnó chun cinn



Cúlra leis an Riachtanas

Tá an NFCI mar chuid d'Aonad Foirne Scileanna BIM i Seirbhísí Corparáideacha agus tá sé ríthábhachtach d'oiliúint phearsanra farraige don tionscal bia mara. Tá sé mar aidhm ag an NFCI gealltanais BIM a chomhlíonadh chun scileanna ar feadh an tsaoil a chur ar fáil d'oibrithe muirí san earnáil, dá bhrí sin, tá ról ríthábhachtach ag post an Teagascóra Sinsearach Innealtóireachta i bhforbairt agus uas-sciliú bhreise Earnáil bia mara na hÉireann.

Freagrachtaí

Na hábhair seo a leanas a ullmhú agus iad a chur ar fáil lena scrúdú ag an Roinn Iompair (DOT) do na Deimhnithe Inniúlachta (Soithí Iascaireachta):

- Deimhniú Inniúlachta Grád a Trí - Scrúduithe Scríofa
- Dámhachtain QQI Leibhéal 5 Teastas i dTeicneolaíocht Innealtóireachta lena n-áirítear iad seo a leanas: Teoiric & Próisis Cheardlainne; Líníocht Innealtóireachta; Oibríochtaí Muirinnill; Próisis Innealtóireachta Muirí; Córais Rialaithe; Muilleoireacht, Deileadóireacht, Feistiú & Táthú; Sábháilteacht & Sláinte ag an Obair
- Deimhniú Inniúlachta Grád a Dó - Scrúdú Scríofa
- Ailtireacht Chabhlaigh; Teicneolaíocht Leictreonach; Teirmidinimic Fheidhmeach; Meicnic Fheidhmeach; Eolas ar Innealtóireacht Ghinearálta agus Mótair

Comhordú a dhéanamh ar Oiliúint i gcúrsaí Sábháilteachta a chur ar fáil chun riachtanais DOT a chomhlíonadh mar atá leagtha síos sna Rialacháin um Eagraíocht Mhuirí Idirnáisiúnta i leith Caighdeáin Oiliúna agus Deimhniú d'Fhairtheoirí ar longa. (STCW). Áirítear na bunchúrsaí oiliúna sábháilteachta air sin:

- Traenáil chun Teacht Slán (STCW)
- Garchabhair Bhunúsach (STCW)
- Garchabhair Liachta ar Bhord Loinge (STCW)
- Feasacht ar Shábháilteacht & Dóiteáin a Chosc.
- Sábháilteacht Phearsanta & Freagrachtaí Sóisialta (STCW)
- Dóiteán a Chosc & Comhraic Dóiteáin
- Comhraic Dóiteáin ar Ardleibhéal (STCW).



Taithí agus Cáilíochtaí Riachtanacha

- Cáilíocht Leibhéal 8 ar an gCreat Náisiúnta Cáilíochtaí (NFQ) i ndisciplín innealtóireachta ábhartha nó cáilíocht atá coibhéiseach ar a laghad a bheith agat.
- Caithfidh an Teagascóir Innealtóireachta Sinsearach Deimhniú Inniúlachta - Príomhinnealtóir - STCW - 111/2 a bheith aige nó aici chun caighdeán agus ceadú DOT a bhaint amach. (Tabhair ar aird: d'fhéadfaí sealbhóirí Deimhnithe Inniúlachta Príomhinnealtóra srianta a bhreithniú bunaithe ar a dtaithe agus a ndintiúir ábhartha.
- Beidh ceadúnas iomlán tiomána ag teastáil
- Ardscileanna ríomhaireachta
- Dea-scileanna scríofa agus riaracháin
- Sárscileanna pleanála agus eagrúcháin
- Scileanna maithe idirphearsanta agus cumarsáide
- An cumas oibriú mar dhuine den fhoireann.
- Beidh grinnfhiosrúchán an Gharda Síochána de dhíth don ról seo
- Tuiscint ar riachtanais an QQI agus eolas ar QA ag teastáil

Inmhianaithe

- Deimhniúchán Traenálaí / Teagascóra ábhartha agus/nó taithí ar an traenáil sin a chur ar fáil
- Tuiscint mhór ar BIM agus ar earnáil bia mara na hÉireann



Tréithe pearsanta atá de dhíth don phost

Ceannaireacht:

Glacann léargas fadtéarmach i dtaobh a gcuid oibre fhéin agus smaoiníonn ar níos mó ná obair laethúil.

Glacann cur chuige solúbtha i dtaobh athraithe.

Léiríonn cleachtais iontacha oibre agus cuireann oiliúint ar dhaoine eile trí chóitseáil, meantóireacht agus aiseolas.

Leagann amach treoir shoiléir agus spriocanna soiléire.

Dírithe ar Thorthaí:

Glacann go dáiríre le freagrachtaí agus leagan amach spriocanna agus baineann ionchais agus spriocanna a leagadh amach go comhsheasmhach

Tugann dúshlán ar bhealach dearfach do chuir chuige atá ann chun díriú ar sholáthar

Ullmhaithe agus feistithe chun cinntí deacra a ghlacadh chun na torthaí deiridh a bhaint amach.

Solúbthacht agus Inoiriúnaitheacht:

Sásta agus ábalta dul in oiriúint do thascanna agus cásanna atá ag athrú

Úsáideann a bhreithmheas chun dul in oiriúint do riachtanais shonracha agus atá ag athrú na heagraíochta

Stiúrann daoine eile trí sholúbthacht agus lúfaireacht san ionad oibre a thaispeáint

Saineolas agus Eolas Teicniúil:

Coinníonn iad féin agus a bhfoirne ar an eolas go maith ar an dul chun cinn is déanaí ina réimse gairme féin.

Tacaíonn le saineolas teicniúil agus gairmiúil a fhorbairt laistigh den fhoireann agus cuireann sin i bhfeidhm.

Teagmhálaithe

Laistigh de BIM	Gach comhghleacaí laistigh den Aonad Scileanna agus ar fud na heagraíochta i gcoitinne, lena n-áirítear foireann chósta réigiúnach.
Lasmuigh de BIM	An Roinn agus Gníomhaireachtaí Rialtais, Comhpháirtithe Tionscadail, líonraí Oiliúna agus Oideachais, soláthraithe ábhartha tríú páirtí.



Téarmaí agus Sochair

Tuarastal

Beidh luach saothair de réir Scála Tuarastail ceadaithe na Roinne Airgeadais don Earnáil Phoiblí, le réimse tuarastail d'Innealtóir Grád II €74,701 - €91,100 (amhail an 1 Lúnasa 2025) sa bhliain dailte go comhréireach i ndáil leis an am a oibreofar. Ag an gcéad phointe iontrála ar an scála a cheapfar an t-iarratasóir a n-éireoidh leis mura bhfuil an t-iarratasóir fostaithe laistigh de na Seirbhísí Poiblí faoi láthair.

Déanfar ball den Scéim Pinsin Seirbhíse Poiblí Aonair díot mura bhfuil tú i do bhall de scéim pinsin earnála poiblí i láthair na huaire (nó mura raibh tú i do bhall de scéim pinsin earnála poiblí le sé mhí anuas). Tá Scéim Tuarastail agus Pinsin faoi réir ag gnásanna faofa earnála poiblí agus glacann cuntas ar sheirbhís le déanaí san earnáil poiblí ag teacht le himlitreacha agus rialacha ábhartha.

Saoire Bhliantúil

Is é 27 lá oibre in aghaidh na bliana pro-rata chun an t-am a oibríodh a léiriú an teidlíocht saoire bliantúla atá ag gabháil leis an ról seo. Níl Laethanta Saoire Poiblí san áireamh i dteidlíochtaí saoire bliantúla. Ní mór gach lá saoire a bheith ceadaithe roimh ré ag do bhainisteoir nó ag a n-ionadaí údaraithe i gcomhréir le polasaithe saoire BIM.

Clár Cúnaimh d'Fhostaithe

Cuireann BIM seirbhís EAP atá 100% faoi rún agus neamhspleách ar fáil trí Spectrum a chuireann comhairle ghairmiúil agus neamhchlaonta, eolas agus comhairleoireacht ar fáil ar réimse saincheisteanna lena n-áirítear ceisteanna dlí, airgeadais agus sláinte. Tá an tseirbhís sin saor in aisce d'fhostaithe agus tá sí ar fáil freisin do gharghaolta leat.

Seirbhís Sláinte Ceirde

Oibríonn BIM le soláthraí seirbhíse Sláinte Ceirde neamhspleách a chuireann tacaíocht agus comhairle ar fáil d'fhostaithe a bhfuil tinneas orthu nó riocht sláinte ag dul dóibh atá ag cur isteach ar a gcumas obair a dhéanamh.

Aonad Fístaispeána

Is féidir le fostaithe suas go €117 a fháil ar ais ar thástáil súl.

Taisteal agus Cothú

Íoctar costais taistil agus chothaithe le fostaithe a bhfuil orthu taisteal i gcomhréir le rátaí ceadaithe.

Scéim Coigilteora Cánach

Is féidir le fostaithe a thaistealaíonn chuig an obair ar an gcóras iompair poiblí leas a bhaint as Ticéad Coigilteora Cánach bliantúil chun méid suntasach airgid a shábháil ar chostais taistil.

An Scéim um Rothaíocht chun na hOibre

Is féidir le fostaithe a thagann chuig an obair ar rothar nó a bhíonn ar rothar le linn cuid den turas leas a bhaint as an Scéim um Rothaíocht chun na hOibre.



An Bealach le hiarratas a dhéanamh:

Ba chóir C.V. iomlán chomh maith le litir iarratais agus a [Foirm Iarratais Folúntais BIM](#) chomhlánaithe ina ndéantar cur síos ar thaithí agus scileanna a bhaineann leis an bpost, a sheoladh ar ríomhphost chuig:

jobs@bim.ie

An dáta deiridh a nglacfar le hIarratais:

1 Nollaig 2025

Tabhair ar aird go bhféadfadh níos mó ná céim agallaimh amháin a bheith i gceist leis an bpróiseas earcaíochta don ról seo agus go bhféadfadh BIM iarraidh ar na hiarratasóirí a roghnaítear cur i láthair gearr a dhéanamh ar ábhar a bheidh roghnaithe roimh ré ag céim an agallaimh dheiridh. Tabhair ar aird nach nglacfar le hiarratais a bheidh déanach.

Innealtóir Grád II agus tá Bord lascaigh Mhara ag teacht le Samhail Inniúlachta na Seirbhíse um [Cheapacháin Phoiblí Inniúlachtaí PAS](#)

Úsáid Sonraí

Ní bhainfear úsáid as na sonraí pearsanta ná an fhaisnéis go léir a chuirtear ar aghaidh leis an iarratas seo ach chun críche an fheachtais sin agus don fheachtas sin amháin, agus déanfar na sonraí agus an fhaisnéis a scriosadh ansin i gcomhréir le Polasaí an Rialacháin Ghinearálta maidir le Cosaint Sonraí agus an sceideal coinneála sonraí atá againn.

Caithfear le gach faisnéis go huile agus go hiomlán faoi rún agus ní bheidh rochtain ar an bhfaisnéis sin ach ag na daoine sin a bhfuil baint dhíreach acu leis an bhfeachtas

Ba cheart aon cheist maidir leis an ról seo a sheoladh ar ríomhphost chuig jobs@bim.ie

Is fostóir comhdheiseanna é BIM, agus táimid tiomanta do chinntiú go bhfuil rochtain iomlán agus chothrom ag gach iarrthóir earcaíochta, mar is féidir a sholáthar le réasún. Má theastaíonn aon tacaíocht nó cóiríocht uait mar chuid den phróiseas earcaíochta, déan teagmháil linn go díreach ag HRinbox@bim.ie.